

សិល្បៈប្រពៃណីខ្មែរ
សម័យបុរាណ



ភ្នំសម័យបុរាណ
ភ្នំសម័យបុរាណ

MURDHA CITTA

Om Swastyastu

Saking asung kertha wara nugrahan Ida Sang Hyang Widhi Wasa, prasidha kasurat Awig-awig Desa Adat Sampalan, Kecamatan Dawan, Kabupaten Klungkung, melarapan antuk ingkup pararem saha kayun suci nirmala

Awig-awig puniki gumanti pinaka pamikukuh lan maka uger-uger pamargi sajeroning midabdabin kalih nyanggra kasukerthan jagat rawuhing krama, warga Desa Adat Sampalan

Sajawaning dharma prawerti ngrajegang Sang Hyang Aji Agama, Awig-Awig Desa Adat Sampalan taler kapikukuhin antuk Pancasila, Undang-Undang Dasar 1945 muah sahananing uger-uger sane kawedarang olih Guru Wisesa. Sami punika nenten kalempasin antuk daging awig-awig puniki.

Dumogi sahananing pikayun sane becik tur utama rawuh saking dik dasa desa, lamakane wastu siddha mikolihang kasukerthan manut petitis.

Om Santih Santih Santih Om.

PIDAGING MAKA BANTANG AWIG-AWIG DESA ADAT

MURDHA CITTA	i
PIDAGING MAKA BANTANG AWIG-AWIG DESA ADAT	ii
PRATHAMAS SARGAH : ARAN LAN WAWIDANGAN DESA	1
DWITYAS SARGAH : PATITIS LAN PAMIKUKUH	2
TRITYAS SARGAH : SUKERTA TATA PAKRAMAN	3
Palet 1 Indik Krama	3
Palet 2 Indik Prajuru Desa	9
Palet 3 Indik Kulkul	12
Palet 4 Indik Paruman	13
Palet 5 Indik Druwen Desa	14
Palet 6 Indik Sukerta Pamitegep	15
Kaping 1 Karang, Tegal lan Carik	15
Kaping 2 Kakayonan	17
Kaping 3 Wawangunan	18
Kaping 4 Wawalungan	19
Kaping 5 Bhaya lan Dusta	20
Kaping 6 Panyanggran Banjar	21
CATURTAS SARGAH : SUKERTA TATA AGAMA	22
Palet 1 Dewa Yadnya	22
Palet 2 Resi Yadnya	26
Palet 3 Pitra Yadnya	27
Palet 4 Manusia Yadnya	29
Palet 5 Bhuta Yadnya	30
PANCAMAS SARGAH : SUKERTA TATA PAWONGAN	31
Palet 1 Pawiwahan	31
Palet 2 Nyapihan	35
Palet 3 Sentana	37
Palet 4 Warisan	38
SADTHAS SARGAH : WICARA LAN PAMIDANDA	41
Palet 1 Wicara	41
Palet 2 Pamidanda	43
SAPTAMAS SARGAH : NGUWAH-NGUWUHIN AWIG-AWIG	44
ASTHAMAS SARGAH : SAMAPTA	45

PRATHAMAS SARGAH
ARAN LAN WAWIDANGAN DESA

Pawos 1

(1) Desa Adat puniki mawasta Desa Adat Sampalan

(2) Jebar kakuwub wawidangannyane mawates nyatur luire :

ha. Sisi Kaler : Desa Adat Lebu

na. Sisi Kangin : Desa Adat Sulang lan Desa Adat Gunaksa

ca. Sisi Kelod : Tukad Unda

ra. Sisi Kauh : Desa Adat Gerombong, Desa Adat Mincidan, lan Tukad Unda

Pawos 2

(1) Desa Adat Sampalan wawidangan ipun kawangun antuk tigang wawidangan, inggih punika:

ha. Wawidangan Kaler : Paksewali

na. Wawidangan Tengah : Sampalan Tengah

ca. Wawidangan Kelod : Sampalan Kelod

(2) Soang-soang wawidangan kawangun antuk banjar-banjar, inggih punika:

ha. Wawidangan Kaler ngawengku :

- Banjar Timbrah
- Banjar Kawan Paksewali
- Banjar Kanginan Paksewali
- Banjar Bucu
- Banjar Peninjoan
- Banjar Pasamuan Puri Satria Kawan
- Banjar Pasamuan Puri Satria Kaleran

- Banjar Pasamuhan Puri Satria Kanginan
na Wawidangan Tengah ngawengku

- Banjar Pakel
- Banjar Jabon
- Banjar Pahpaan

ca Wawidangan Kelod ngawengku :

- Banjar Tagtag
- Banjar Ulun Suwi
- Banjar Bokong
- Banjar Lekok
- Banjar Bokong Kaja

DWITIYAS SARGAH

PATITIS LAN PAMIKUKUH

Pawos 3

Awig-awig puniki ngamanggehang pamikukuh minakadi:

- ha. Pancasila
- na. Undang-Undang Dasar 1945
- ca. Tri Hita Karana manut sadacara Agama Hindu.

Pawos 4

Patitis Desa Adat Sampalan puniki sakadi ring sor:

- ha. Mikukuhin kalih ngarajegang adat lan agama.
- na. Nginggilang tata prawertining magama.
- ca. Ngarajegang kasukerthan desa, saha pawongannyane sakala lan niskala.

TRITIYAS SARGAH
SUKERTA TATA PAKRAMAN

Palet 1

Indik Krama

Pawos 5

- (1) Sane kabawos warga Desa Adat Sampalan inggih punika, sang magama Hindu sane jumenek ring wawidangan Desa Adat Sampalan, tur satinut ring Awig-awig Desa Adat Sampalan.
- (2) Sane kabawos krama Desa Adat Sampalan inggih punika, warga Desa Adat sane sampun alaki rabi, ngamong wiadin tan ngamong karang desa, saha ngempon wiadin nyiwi Kahyangan Tiga amongan Desa Adat Sampalan.
- (3) Warga wed saking Desa Adat Sampalan sane magenah ring dura desa manggeh kantun makrama desa sajaba wenten pamargi siosan.
- (4) Sajabaning sane kaucap ring ajeng sinanggeh tamiu

Pawos 6

- (1) Warga Desa Adat Sampalan sane sampun mayusa sanistania roras warsa sadurung alaki rabi kasinanggeh teruna-teruni patut ngamiletin Sekaa Teruna ring banjaranyane soang-soang.
- (2) Sekaa Teruna inucap sajaba kaenter olih kelihannyane soang-soang, taler katuntun olih prajuru banjar rauhing prajuru desa.

Pawos 7

Krama Desa Adat Sampalan kapalih sakadi ring sor:

- ha. Krama desa ngarep, krama desa sane sampun alaki rabi lan sampun bulangkep ngamargiang sesana, sane magenah ring sawengkon Desa Adat Sampalan wiadin ring dura desa.
- na. Krama patus inggih punika, krama desa sane balu luh wiadin balu muani sane majalaran antuk nyapihan wiadin sinalih tunggil katinggal lampus, sane nahenin mapatus ngarep, wiadin sane balu luh sampun madrue pianak muani sane sampun keni basa wirang (16 warsa), sapunika taler balu muani sane sampun madrue oka deha

Pawos 8

Panamaya tedun makrama desa:

- ha. Warga sampun kabawos tedun makrama desa yening sampun tedun mebanjar.
- na. Warga sane tedun dados krama banjar saurah-arih pamarginnyane manut pararem banjar soang-soang.
- ca. Warga dura desa sane nyentana ring wawengkon Desa Adat Sampalan patut tedun makrama desa.
- ra. Prade wenten warga saking dura desa sane magama Hindu jumenek ring Desa Adat Sampalan lintangan ring tigang sasih tur sampun alaki rabi patut katerag olih prajuru banjar sane ngawengkonin manut pararem.

Pawos 9

Swadharmaning Krama lan Warga Desa:

- ha. Tan maren astiti bakthi ring desa.
- na. Satinut ring sadaging awig-awig lan pararem desa.
- ca. Tan maren ngutsahayang, ngarajegang saha nyungkemin pasukertan ring Desa Adat Sampalan.

- ra. Ngamargiang sahananing pituduh Guru Wisesa lan prajuru desa manut awig-awig kalih pararem desa.

Pawos 10

- (1) Ayah-ayahan krama desa sakadi ring sor:
- ha. Krama ngarep ngamargiang ayah-ayahan krama ngarep.
 - na. Krama patus ngamargiang ayah-ayahan krama patus manut pararem.
- (2) Warga sane siosan patut ngamargiang ayah-ayahan manut pararem.

Pawos 11

- (1) Wedal-wedalan lan paturunan krama luire:
- ha. Krama ngarep keni papeson miwah paturunan weweg.
 - na. Krama patus keni papeson lan paturunan manut pararem.
- (2) Papatusan krama banjar inggih punika:
- ha. Patus karya.
 - na. Patus weweg.
 - ca. Patus artha berana lan beras.

Pawos 12

- (1) Sane kabawos tamiu, jadm saking dura desa sane wenten ring wawidangan Desa Adat Sampalan malarapan antuk:
- ha. Malelungan;
 - na. Masundulang raga;
 - ca. Sasudian Desa wiadin Guru Wisesa;

ra. Kadang warga sinalih tungguil krama Desa;

ka. Suwitran sinalih tungguil krama desa.

- (2) Krama utawi warga Desa sane ngaraksa tamiu jantos marerepan patut mangda masadok ring Kelihan banjarnia tan kasepan ring awengi.
- (3) Swadharmaning tamiu patut satinut ring pamargin Awig-Awig lan pararem sane kamanggehang ring Desa Adat Sampalan.
- (4) Tamiu sane madunungan ring wawidangan Desa Adat Sampalan majalaran antuk sungkan gumanti mabuat ngarereh tamba, tan keni urah-arih kadi mungguh ring ajeng
- (5) Yening sang rumaga tamiu sampun ninutin pamargi sakadi kabawos ring ajeng, patut polih pangayoman saking banjar wiadin desa.
- (6) Prade wenten tamiu sane madunungan ring sinalih tungguil krama wiadin warga Desa Adat Sampalan kandugi malaksana kawon, sang kadunungan patut sumakuta nanggenin utawi negenang pamidandania manut pararem.

Pawos 13

- (1) Prade wenten sinalih tungguil krama makahyun magingisir mabanjar ring sajeroning Desa Adat Sampalan, patut nganutin pamargi sakadi ring sor:
 - ha. Muputang urah-arih paiketannyane ring banjar sane katinggalin;
 - na. Polih ilikita pastika saking Kelihan Banjarnia saha kaateh olih Kelihan Banjarnia ka banjar sane kaungsi;
 - ca. Kasaksinin utawi kasadokang olih para Kelihan Banjar inucap ring Bendesa Adat Sampalan.
- (2) Yan tan nganutin pamargi sakadi bawos ring ajeng, krama inucap tan wenang katampi. Prade wenten banjar sane purun nampi, wenang banjar punika kasisipang olih Desa Adat Sampalan tur keni pamidanda manut pararem.
- (3) Krama sane dados magingisir mabanjar, wantah sane majalaran antuk ngayahang karang ring wawengkon banjar sane kaungsi.

- (4) Krama sane ngayahang karang desa ring banjar siosan, patut tedun mabanjar ring banjar sane ngawidangin tanah karang desa sane kaayahang

Pawos 14

- (1) Wusan dados krama desa

ha. Nyada manut jalarannyane manut pararem.

na. Matilar saking Desa Adat Sampalan sangkaning pinunasnyane wusan madesa adat tur manut daging pararem.

ca. Kausanang antuk krama desa wiadin banjar wit saking tan nganutin pamargin awig-awig lan pararem Desa Adat Sampalan.

- (2) Nembenin kausanang ngawit saking pamutus paruman prajuru banjar lan prajuru desa, pamutus inucap kadauhang ring sang kausanang

- (3) Sang sampun wusan makrama desa tan polih pah-pahan druwen banjar utawi desa.

Pawos 15

- (1) Yening wenten krama wusannyane saking rahayu patut katerima manut pararem.

- (2) Yening wenten krama wusannyane sangkaning kanorayang, mamanah malih pacang mawali makrama banjar lan desa, patut nawur panutug manut pararem.

- (3) Krama inucap patut nunas pangampura ring paruman banjar wiadin desa.

Pawos 16

Kawenangan Krama Desa Adat Iwire:

ha. Patut polih pangayoman saking prajuru lan krama desa indik karahajengan pawongan mwan padruweannia;

- na Polih pitulung utawi pangaremba rikala katiben bhaya, pakewuh wiadin kaduhkitan, taler rikala madrebe karya abot, pamekas rikala nangun yadnya
- ca Kangkat nyarengin paruman desa lan banjar tur sareng mastikayang daging pamutus paruman,
- ra. Wenang nyudi lan kasudi pinaka prajuru mwanng sane siosan;
- ka Kadadosang mopog manut daging pararem;
- da Polih puwangkidan manut daging pararem rikala:
1. Katiben sungkan utawi bhaya, kalayusekaran sinalih tunggil kulawargannia,
 2. Ngamargiang yadnya sane jantos ngaturin krama;
 3. Ngarawuhin undangan saking sinalih tunggil krama utawi ka dura desa;
 4. Ngamargiang titah saking Guru Wisesa;
 5. Ngalaksanayang yadnya sane subha dewanipun sinarengan ring yadnya sane kalaksanayang ring Desa.

Pawos 17

(1) Sane kangkat polih laluputan papeson luire:

ha. Pamangku desa.

ha. Prajuru desa, Prajuru banjar manut pararem.

ca. Krama desa sane kasudi olih prajuru desa ngaremba karya desa manut pararem.

(2) Ageng alit laluputan inucap kamanggehang olih prajuru desa manut swadharmaning sang polih laluputan manut pararem.

Palet 2

Indik Prajuru Desa

Pawos 18

(1) Desa Adat Sampalan kaenter olih bendesa Adat tur kasanggra olih

ha. Petajuh Bendesa Adat

na. Penyarikan.

ca. Petengen

ra. Para Baga.

ka. Kelihan Adat wawidangan

da. Kelihan Tempek.

ta. Kasinoman.

sa. Pamangku desa

wa. Pacalang.

(2) Prajuru Desa Adat kategepin utawi karemba antuk Sabha Desa lan Kertha Desa

(3) Banjar kaenter antuk prajuru banjar.

(4) Ngeninin indik urah-arih Sabha Desa lan Kertha Desa manut pararem

Pawos 19

(1) Sane kangkat kasudi dados prajuru desa wantah warga sane sampun makrama

desa.

(2) Sadurung sasudian kamargiang sang jaga kasudi patut katitenin olih kelian patus

(3) Prajuru desa kasudi olih krama desa sajeroning paruman desa.

- (4) Pamargin panyudiane manut ilikita wiadin manut pararem sane sampun naanin kamarginin
- (5) Prajuru banjar kasudi olih krama banjar lan pamargin panyudiannyane manut pararem krama banjar soang-soang

Pawos 20

Waneng dados prajuru desa wiadin banjar sakadi ring sor:

- ha. Prajuru desa lan prajuru banjar ngaturang ayah mawaneng limang warsa ngawit kadegang.
- na. Yening sampun puput sengker limang warsa, prajuru desa lan banjar patut ngawedarang pacang kawentenang sasudian malih.
- ca. Prajuru desa lan prajuru banjar sane sampun puput sengker kangkat kasudi malih apisan.

Pawos 21

Swadharmaning prajuru desa luire:

- ha. Ngenter krama desa ngemargiang swadharmaning krama manut daging awig-awig lan daging pararem desa.
- na. Niwakang pamutus wiadin pawirasan marep ring wicaran krama desa manut daging awig-awig.
- ca. Ngenterang sahananing yadnya ring desa.
- ra. Pinaka dhuta ritatkala wenten uleman saking dura desa.
- ka. Mikukuhin kalih ngarajegang sahananing druwen desa mangda kanton manggeh.

Pawos 22

Swadharmaning prajuru banjar luire:

- na. Ngarajegang daging awig-awig lan pararem desa ring banjarnyane soang-soang
- na. Kangkat asadu ring kelihan wawidangan wiadin bendesa yening wenten sinalih tunggil krama banjar piwal ring daging awig wiadin ring tata cara desa
- ca. Ngutsahayang nyuratang pararem-pararem banjar sane patut kaanggen titi rikala ngenter pakraman banjar.

Pawos 23

Patias uthawi olih-olihan prajuru desa wiadin prajuru banjar:

- ha. Luput papeson lan tategenan.
- na. Polih patias manut pararem.

Pawos 24

(1) Prajuru kagentosin majalaran antuk:

- ha. Seda.
- na. Pinunas ngaraga tur sampun kalugra antuk paruman desa wiadin paruman banjar.
- ca. Tan prasadha ngamargiang swadharmaning prajuru santukan sungkan rahat wiadin pialang abot sane siosan.
- ra. Kanorayang dwaning iwang pamargi nilar sasananing prajuru.

(2) Ngentosin wiadin ngarariyanang prajuru patut kamargiang sajeroning paruman desa wiadin paruman banjar.

Palet 3

Indik Kulkul

Pawos 25

(1) Kulkul sane wenten ring wawidangan Desa Adat Sampalan luire:

ha. Kulkul Desa Adat.

na. Kulkul Banjar ring soang-soang banjar.

ca. Kulkul ring soang-soang kahyangan desa.

ra. Kulkul ring pura dadia.

ka. Kulkul sekaa-sekaa swagina.

(2) Suaran kulkul inucap kasinanggeh tatenger ring desa, banjar, pura lan sekaa-sekaa satmaka dadauhan saking prajuru majeng ring kramannyane soang-soang.

(3) Pamargi sane patut macihna suaran kulkul luire:

ha. Pacang parum.

na. Pacang tedun makarya.

ca. Pacang mapitulung ring sang kalayusekaran.

ra. Ritatkala wenten keni baya.

ka. Ritatkala wenten pawiwahan.

da. Pamargin upacara ring pura.

ta. Ngawit lan ngalebar catur brata penyepian.

(4) Tabuh Tatepekan soang-soang kulkul inucap ring ajeng, pastika manut ring pabuatnyane tur manut ring pasubayan krama.

(5) Sane kapatut nyuarayang kulkul wantah prajuru desa, prajuru banjar wiadin sang kapituduh olih prajuru manut pabuatnyane.

(6) Sapasira ugi nyuarayang kulkul tan sangkaning pituduh prajuru, patut keni pamidanda manut pararem, sawawaning rikala wenten baya wiadin rikala pangrupukan.

(7) Papalihan tatepekan kulkul ring Desa Adat Sampalan luire.

- ha. Pacang parum, kalih tuludan panjang
- na. Pacang tedun makarya, kalih tuludan panjang
- ca. Pacang mapitulung ring kalayusekaran, kalih tuludan panjang
- ra. Pawiwahan, kalih tuludan cendet.
- ka. Keni baya marupa amuk lan maling, atuludan bulus.
- da. Baya sane lianan, bulus panjang
- ta. Upacara ring pura, ngempang.
- sa. Ngawit brata lan nglebar panyepian, atuludan panjang.

Palet 4

Indik Paruman

Pawos 26

- (1) Bendesa adat wenang maumang prajuru desa adat, prajuru banjar miwah para pamangku sami, jaga matetimbang ritatkala wenten karyan desa adat sane pacang kasanggra olih krama desa sami.
- (2) Paruman desa adat padgatakala kamargiang sanistania ngawarsa apisan.
- (3) Ring sejeroning paruman desa adat mangda pamilet paruman ngangge busana manut tata cara sane sampun ketah sakadi busana adat alit.
- (4) Paruman prajuru desa adat prasidha kalaksanayang yening sampun karawuhin olih sanistania satenge lintang adiri saking akeh prajuru desa.
- (5) Paruman banjar kalaksanayang manut pararem krama banjar soang-soang.
- (6) Paruman banjar prasidha kalaksanayang yening sampun karawuhin olih sanistania satenga lintang adiri saking pigungan krama banjar sami.

Pawos 27

- (1) Ring paruman desa wiadin banjar, prajuru desa wiadin prajuru banjar patut namyakang
- ha. Munjuklungsuring krama muah ayah-ayahan.
 - na. Saluiring artha brana druwen desa wiadin banjar.
 - ca. Indik pamargin karya sane sampun kapuputang.
 - ra. Sahananing wicara sane sampun polih pamutus.
 - ka. Pidabdab prajuru ngeninin indik usaha kapungkur.
- (2) Ritatkala mutusang bawos ring paruman mangda kadasarin antuk kayun gilik saguluk wiadin ingkup.

Palet 5

Indik Druwen Desa

Pawos 28

Sane kabawos druwen Desa Adat Sampalan inggih punika:

ha. Pura wiadin Kahyangan Desa, makadi:

1. Pura Puseh lan Bale Agung.
2. Pura Dalem Setra.

na. Setra wenten ring sawawidangan desa adat uthawi sane kaempon antuk krama desa makadi:

1. Setra ring wawidangan Kaler (Setra Dajanan, Setra Delodan).
2. Setra ring wewidangan Tengah (Setra Kenangga).
3. Setra sane magenah ring wewidangan Kelod (Setra Carik).
4. Setra Kelod sane magenah ring wawidangan Desa Adat Gunaksa.

ca. Saluiring tanah desa sekadi: tanah PKD, tanah Ayahan Desa (AYDS), tegal, carik lan pelabha pura.

- ra Tanah linggih pura, tegak banjar saha wangunannyane, rurung wiadin margi ring sajeroning Desa Adat Sampalan.
- ka Lembaga Perkreditan Desa (LPD) Desa Adat Sampalan.
- da Druwen desa siosan sane kapikolihang salanturipun.

Pawos 29

- (1) Sahananing druwen desa patut kapiara olih krama desa sami.
- (2) Sahananing druwen desa patut kapastikayang antuk ilikita.
- (3) Saurah-arih ngeninin indik LPD, kaunggahang ring lepihan ilikita pararem Desa Adat Sampalan.
- (4) Druwen desa sakadi Pura Puseh lan Bale Agung ritatkala petirtaan nemonin Purnama Kadasa patut kasangra olih krama Desa Adat Sampalan. Indik pah-pahan sowang-sowang wawidangan sane pacang ngajengin manut pararem.

Palet 6

Indik Sukerta Pamitegep

Kaping 1

Karang, Tegal, Carik

Pawos 30

- (1) Sakaluring karang paumahan miwah teba patut mawates antuk tembok sanistania pagehan.
- (2) Wates sisi kaler miwah kangin patut kakaryanin tur kapiara olih sang madruwe karang, reh punika mawasta gegaleng.

- (3) Yening sampun pada arsa sang madruwe karang kamanah watese nglikadin, wates punika dados nganggen pinget kewanen kasaksinin olih prajuru banjar
- (4) Watese sane majeng ka margine patut katembok wiadin kapagehin mangda kawentenan ipun renes miwah asri
- (5) Yening wenten sinalih tunggil krama uthawi warga desa mamanah ngiid tanah, kangkat kantos adepa agung (1,75 meter) saking wates karang panyanding

Pawos 31

- (1) Sajawaning toyan sabeh, nenten dados ngembahang toya mawit saking blembeng bawi, pwaregan, kamar mandi miwah sane siosan sane ngawetuang ambu kawon ka pakarangan anak lian, ka margine, ka rurunge lan ka tukade
- (2) Tan dados ngentungang leluhu sakaluir ipun ka pakarangan anak lian, ka margine lan ka egot wiadin ka tukade
- (3) Yening wenten jarma mayudha kantos ngalabuhang rah wiadin padem ring wawengkon Desa Adat Sampalan kapatutan ipun uthawi kulawargan ipun patut mrayascita genah punika

Pawos 32

- (1) Sapasira ugi nenten dados nglahlah tanah pekarangan, tegal padrebenan anak siosan, napi malih sane kantun kadruwe antuk desa sakadi wawidangan kahyangan, setra, margi miwah sane siosan
- (2) Nanggap lan matimbang karang ayahan desa kapidabdabin sakadi ring sor:

- ha. Sahananing karang desa sane sampun katanggap tur kaayahang antuk krama desa patut kagenahin antuk sang ngayahang
- na. Yening wenten karang ayahan sane tan kagenahin tan katanggap tur tan wenten sane ngayahang patut kadruwe antuk desa
- ca. Krama ngarep sane pacang matimbang karang patut polih uwak-uwakan saking warisnyane tur kasaksinin olih prajuru desa.
- ra. Krama desa tan dados ngadeang napi malih ngadol karang ayahan desa wiadin PKD.

Kaping 2

Indik Kakayonan

Pawos 33

- (1) Matanduran tanem tuwuh sane pacang dados ageng patut sanistania adhepa agung (1,75 meter) saking wates karang, mangda tan ngrebrehin wiadin mayanin ka pisaga panyanding.
- (2) Prade wenten tanem tuwuh sane ngrebrehin uthawi kasinanggeh pacang mayanin ka pisaga wenang kewara, madasar paigum sane becik mangda kakayonan punika digelis karebah wiadin kaentebin.
- (3) Yening sampun kawara sekadi inucap ring ajeng sang nerbenang tan satinut uthawi tan wenten usaha nagingin pinunas sang ngawara, sang rumasa ajerih pacang kabayanin patut nyadokang ring prajuru banjar wiadin desa.
- (4) Sajawaning pura, saluiring umah ring pabianan tan dados ngamargiang pangepet duaning sane mawasta umah kabawos tan patut magenah ring abian.
- (5) Prabean mungkatang taru kasandangin antuk sang ngepet, nanging sakaluiring taru sane sampun kaepet katiba ring sang nrebenang.

(6) Tanem tuwuh sane wenang kaepet sakadi ring sor

ha Tumbuh nyane kirang ring adhepa agung saking wates uthawi tembok sang ngepet.

na Taru sane karasayang pacang ngarauhang baya manut panarka saking prajuru banjar wiadin desa yadiastun tumbuh langkung ring adhepa agung saking tembok pekarangan

(7) Yening wenten wit taru ngrubuhin papayon, pura miwah sane siosan, taru sane pungkut patut katiba ring sang nerbenang papayon sane keni karubuhan

(8) Yening wenten krama ngepet wiadin munggul taru kantos ngametuang baya ring paumahan krama penyanding, prabea karusakan baya punika katanggung olih sang nundung taru punika

(9) Sang madrebe wit taru sane patut maepet wiadin kapunggul manut adat, tan dados nulak pamargi adat sane sampun kasungkemin

(10) Tan dados ngepet taru ring bukite sadurung polih pituduh lan uwak-uwakan saking prajuru desa adat.

Kaping 3

Indik Wewangunan

Pawos 34

(1) Sapasira ugi pacang ngawangun kaaptiang mangda nganutin daging Asta Bhumi miwah gegulak Asta Kosala Kosali.

(2) Tan kadadosang makarya wawangunan ngerebrebin wiadin nyapcap ka pisaga, ka rurung miwah ka margine agung.

- (3) Prade kantos wenten wawangunane tan manut ring geguat inucap wenang kawara olih sang sane ngamatutang sakadi pisaga panyanding uthawi prajuru banjar lan desa
- (4) Sahananing barang sane pacang kaanggen ngawangun tan dados magenah ring rurung miwah margi langkungan ring arahina
- (5) Tan kapatutang ngadol uthawi nyewaang genah uthawi tanah ring wawidangan Desa Adat Sampalan, sadurung polih uwak-uwakan saking prajuru adat
- (6) Sajawaning sang magama Hindu tan kapatutang ngawangun genah sembahyang ring Desa Adat Sampalan, sadurung polih uwak-uwakan saking prajuru desa

Kaping 4

Indik Wawalungan

Pawos 35

- (1) Warga Desa Adat Sampalan sane miara wawalungan patut sayaga nitenin wawalungannyane minakadi: negul, nglogor mangda nenten ngarusak karang wiadin pabianan anak sios.
- (2) Prade wenten wawalungan malumbar wastu ngarusak pakarangan lan pabianan, risampune kapalungguhang uthawi polih kawara, kengin kataban salanturnia kasadokang ring prajuru.
- (3) Prade wenten wawalungan ngaletchin genah suci risampun kaparitas olih prajuru, sang nerbenang patut keni pamidanda saha ngupakara genah suci inucap manut perarem.
- (4) Tan kawenang ngangonang uthawi negulang wawalungan ring genah sakadi ring sor:

ha. Telajakan kahyangan uthawi banjar.

na. Genah rawuhing pekarangan wewangunan desa.

- ca. Marga agung lan ruring-ruring
ra. Setra lan genah driwen desa
- (5) Sapasira ugi tan kapatutang meburu wiadin mademang paksi ring panggeleban ring wawidangan Desa Adat Sampalan, sang mamurug keni pamidanda manut pararem

Kaping 5

Indik Bhaya Lan Dusta

Pawos 36

- (1) Sahananing laksana sane tan rahayu sane pacang ngawetuang pakobet, dukkita, duskertha ring warga uthawi krama kasinanggeh bhaya
- (2) Sane kasinanggeh bhaya luire
- ha. Jiwa bhaya : kaamuk, kabaak, kaplagandang
na. Artha bhaya : kamalingan, karampok
ca. Geni bhaya : kapuwunan
ra. Toya bhaya : blabar, gentuh
ka. Bhayu bhaya : angin linus
da. Pertiwi bhaya : tanah longsor

Pawos 37

- (1) Sahananing warga desa sane katiban bhaya patut digelis matur supeksa ring prajuru uthawi ring sang wenang mawosin
- (2) Sahananing warga desa sane uning ring wenten jadma sane malaksana dusta, wiadin sane mayanin patut digelis masadok ring prajuru banjar uthawi prajuru desa muah Guru Wisesa

- (3) Wenten wenten indit kaliban bhaya sang kariban bhaya utawi sang wasanggot bhaya mung wenten digelis nyarayang kalikan maka puning ring krama siosan sane pacang mapilihing.
- (4) Bahaning warga desa patut sayaga mastudung ring sang kariban bhaya sane makas bahakayan manut kawentenang bhaya punika.

Pawos 38

- (1) Rutkala pacang masaserep utawi ngahedah prade kamatungan patih nenas panguwak rin ring prajuru banjar utawi desa.
- (2) Masaserep ring sios banjaran utawi desa patut kament oih prajuru banjar utawi desa kasarengin antuk Guru Wisesa muah prajuru banjar lan desa genabe masaserep.
- (3) Prajuru patut nuntun mangla pamargin saserepe nenten ngawinang dahika.

Kaping 6

Indik Panyanggran Banjar

Pawos 39

- (1) Rutkala wenten krama banjar pacang ngawentenang karya luire Dewa Yadnya, Manusa Yadnya, Pitra Yadnya kalih karya sane siosan, krama punika dados nganggen padruwen banjar, taler kapatut polih pangremba saking banjar manut pinunas sang adue karya.
- (2) Pamargin panyanggran banjar majeng ring sang madue karya, kapidabdabin manut pararem banjar sowang-sowang.

**CATURTHAS SARGAH
SUKERTA TATA AGAMA**

Palet 1

Indik Dewa Yadnya

Pawos 40

(1) Pura-pura sane wenten ring wawengkon Desa Adat Sampalan luire.

ha. Pura Puseh lan Bale Agung

na. Pura Dalem Setra makadi Dalem Dangin Asem, Dalem Kenangga, Dalem Agung Pakseballi, Dalem Agung Baleran

ca. Pura Pamerajan, Dadia lan Paibon

(2) Pura Puseh lan Bale Agung kaemong tur kasungsung olih sahananing krama Desa Adat Sampalan manut dresta. Pura-pura sane siosan kaemong, kasungsung lan kaupaaci manut dresta olih pangemponnia soang-soang.

Pawos 41

(1) Rikala ngaturang pangodal ring Pura Puseh lan Bale Agung, sahananing krama desa sajawaning prajuru desa, pamangu desa, prajuru banjar muang krama desa sane polih laluputan manut pararem patut keni saurah-arih aci pangodal

(2) Ritatkala piodalan ring Pura Dalem Setra sane wenten ring sawawengkon Desa Adat Sampalan, sane keni saurah-arih aci pengodal wantah pangemong Pura Dalem soang-soang.

(3) Ritatkala Ida Bathara Puseh lan Bale Agung makiyis ka sagara, sahanan krama Desa Adat Sampalan mangda sareng ngiring, indik sane nyanggara Ida Bathara sinalih tunggil wawidangan manut pararem.

- (4) Ritatkala Ida Bathara nyejer ring Pura Puseh lan Bale Agung, sahananing krama mangda ngaturang bakti sajawaning sang kacuntakan uthawi kasebelan

Pawos 42

- (1) Sahananing krama desa patut nureksa mangda kasukertan kalih kasucian pura sane wenten ring sawawengkon Desa Adat Sampalan tan kaletahan
- (2) Sang kacuntakan uthawi kasebelan nenten kadadosang ngaranjing ka pura. Indik bacakan sane kapatut kacuntakan manut daging pararem.
- (3) Ring jeroning pura tan kalugra malaksana kadi ring sor :
- ha. Maujar ala, ulah ala, punapi malih kantos ngawetuang rah
na Makutu, ngambahang rambut, macecepin anak alit, mecikang wastra,
mabanyu, makoratan, sirep awor lanang-istri muah solah ala siosan.
- (4) Yening wenten kahyangan kadurmanggala kadi karubuhan taru, karusakang linus, kahanan wangke, karanjingan wong edan, sato agung, wenang kapahayu antuk pamrayascitta
- (5) Yening wenten jadma malaksana ngaletihin kahyangan kadi inucap ring ajeng, patut keni pamidanda manut pararem, muang upakara manut sastra agama.

Pawos 43

- (1) Satunggil Galungan uthawi yadnya siosan manut kabuatan krama Desa Adat Sampalan patut makarya penjor.
- (2) Nanceb penjor kamanggehang ring margi desa magenah ring uluning lebuah uthawi jeroning panyengker.

- (3) Sang sapisira ugi ngarusak uthawi nyabut penjor sadurung tutug sengker wigunannyane patut keni pamidanda manut pararem
- (4) Yening sampun tutug sengker wigunannyane sang madue penjor patut nyabut penjornyane soang-soang

Pawos 44

- (1) Ring soang-soang Kahyangan Desa Adat Sampalan patut kaadegang pamangku.
- (2) Tata cara nyudi pamangku dudonannyane sakadi ring sor:
 - ha. Mawiwit saking katurunan pamangku.
 - na. Malantaran antuk pamargi nyanjan.
 - ca. Malarapan sasudian olih krama desa adat uthawi olih pangemong pura.
- (3) Tata cara ngadegang pamangku desa sakadi ring sor:
 - ha. Patut ngamarginin upacara pawintenan.
 - na. Sahanan urah-arih pawintenan patut kasanggara olih krama desa.
- (4) Sane tan kawenangang dados pamangku luire:
 - ha. Sang kahanan cedangga.
 - na. Sang amumpang paraning laku.
 - ca. Sang tan kararemin olih krama panyungsung kadasarin antuk samudana sane pastika.

Pawos 45

- (1) Swadharmaning pamangku luire:
 - ha. Asewaka dharma, astiti bhakti ring Ida Sang Hyang Widhi.

- na Ngenterang, ngastawayang sahanan upakara uthawi upacara ring pura genah ngayah soang-soang
 - ca Ngastawayang ritatkala wenten krama pacang ngaturang punia, uthawi nunas karahajengan ring pura
- (2) Ritatkala ngenter yadnya uthawi piodalan ring Pura Kahyangan Tiga pamangku desa inucap patut:
- ha. Pinaka pangenter ring pura
 - na. Patut polih pangremba saking pamangku-pamangku sane siosan.
- (3) Prade jro mangku ngarep kapiambeng, tan prasidha ngamargiang upacara ring pura, patut upacara punika kamargiang olih pamangku sane linggilnia sawawa uthawi pamangku sane kacawis olih prajuru desa

Pawos 46

Kasukertan pamangku kamanggehang sakadi ring sor:

- ha. Krama desa muang pamangku desa, sami pada ngutsahayang mangda pamangku desane tan keni ujar ala, saha jro mangku nenten nglempasin swadharmaning pamangku.
- na. Prade wenten pamangku desa piwal ring sesana nyasar laku wenang lumaksana nyepuh raga ngangge prabea soang-soang sasampune kebawosin olih paruman desa.
- ca. Prade ageng dosannia, nura cara, lempas ring sasananing pamangku, wenang kausanang olih prajuru desa malarapan antuk paruman desa.
- ra. Yening wenten sinalih tunggil krama desa kabuktiang maujar ala ngaletihin kasucian pamangku desa, patut krama inucap keni pamidanda manut pararem saha upacara pamrayascittan pamangku inucap manut kecap sastra agama.

Pawos 47

(1) Olih-olihan pamangku luire:

ha. Polih laluputan manut pararem.

na. Polih pah-pahan sasar in babanten manut pararem.

(2) Yening pamangku desa seda tan wenang kapendem, saupakara pitra yadnyannia kaprabeanin antuk desa uthawi pangempon pura malarapan paigum sareng kulawargan pamangku inucap.

Pawos 48

Pamangku kagentosin riantuk:

ha. Seda.

na. Pinunas ngraga sangkaning tan prasidha ngamargiang swadarmaning pamangku.

ca. Kausanang olih krama uthawi pangempon pura malarapan iwang pamargi sane mabuat manut panglokikan paruman.

Palet 2

Indik Resi Yadnya

Pawos 49

(1) Yening wenten krama desa pacang madwijati patut masadok ring prajuru desa, PHDI lan Guru Wisesa. Yening sane pacang madwijati wantah sasuhunan krama desa adat, krama desa patut ngaturang punia kalih ngaremba karya inucap.

- (2) Prajuru patut nuntun krama desa nyinggihang uthawi mikukuhang sang para panditha lan pinanditha indik sasana sane manut linggihnia
- (3) Krama desa sane nunas pamuput yadnya ring Ida Sulinggih patut eling ngaturang punia bakti padaksinan ring ida
- (4) Krama desa patut teleb nunas panugrahan ring ida sang meraga wiku muwah sang sujana mangda kasutreptian desane manut kecaping agama prasidha kapangguh

Palet 3

Indik Pitra Yadnya

Pawos 50

- (1) Sahananing upacara pamrateka majeng ring sang seda kabawos pitra yadnya.
- (2) Pidabdab pamargi ngalaksanayang Pitra Yadnya madasar sastra agama, saha tata cara sane sampun ketah kamargiang ring sajeroning Desa Adat Sampalan.

Pawos 51

- (1) Ritatkala sinalih tunggil krama madruwe kalayusekaran patut mangda masadok ring kelihan banjar soang-soang.
- (2) Kelihan banjar mangdane nyupeksain rihin padewasan pamendeman, wus punika wawu nuduhang sapari indik pangupakaran sang seda.
- (3) Pidabdab pamendeman lan ngeseng sawa kamanggehang sakadi ring sor
ha. Yening seda wus akupak uthawi ketus untu patut nganutin padewasan pangutangan sawa makadi ring kecaping sastra agama manut dresta saha nunas panugrahan ring sang sulinggih.

- na Yening rare durung apupak kalugra mendem premangkin nenten ngantos padewasaan
- ca Genah mendem lan ngeseng sawa mangda ring setra ugi sajawaning layon sang maraga sulinggih
- ra Ritakala mendem sawa krama banjar mangda ngatch, nyarengin rawuh ring setra, ngantos sawane sampun kapendem
- ka Yening sawane pacang kageseng krama banjar ngaremha wiadin nyarengin jantos nganyut

Pawos 52

Gagwat pamargi kamanggehang manut dresta sakadi ring sor

- ha Yening jagi mendem sawa lintangan ring adiri, ring rahina tunggal lan setra tunggal, sane maduwe kalayusekaran ugi ngarauhang ring prajuru banjar muah prajuru dalem mangda sinarengan ka setra
- na Asapunika taler pamargine ritakala pangutangan ngaben
- ca Ring sang masetra tunggal, yen wenten krama pacang ngentas sawa uthawi ngeseng sawa (ngaben), wenten taler sane pacang mendem sawa, patut pamendemane kamargiang rihinan

Pawos 53

(1) Tan dados mendem sawa uthawi makingsan ring geni ritakala:

- ha Rahina Pasah uthawi Dora
- na Patirtaan ring Pura Puseh Bale Agung, lan Pura Dalem Setra soang-soang

- (2) Yening sawane durung kapendem kapialang antuk dewasa, wenang krama banjar ngamargiang pagebagan marep ring sang madruwe kalayusekaran
- (3) Yening wenten sinalih tunggil krama kalayusekaran nemonin purnama, tilem, yening jaga mendem sawa, patut kamargiang sesampune jro mangku usan ngaturang pasucian ring Kahyangan Tiga.

Pawos 54

- (1) Bacakan layon sane patut uthawi tan patut kaabenang
 - ha. Rare sane durung mayusa tigang sasih tan patut kaabenang
 - na. Yan sampun mayusa tigang sasih ngantos sadurung ketus tan patut kaabenang, upacarannia kamargiang antuk nglungah
 - ca. Sawa sane sampun maketus patut kaabenang maupacara weweg
- (2) Yening wenten warga seda tur pacang kaabenang kadadosang ngambil padewasan sajeronong pitung rahina ngawit sedannia, nanging patut nganutin sang sulinggih sane pacang muput, tur tan mamurug rahina sane kalarang antuk desa
- (3) Jadma salah pati, ngulah pati, yan pacang kaabenang patut kamanggala antuk upacara ngulapin kalih panebusan.

Palet 4

Indik Manusia Yadnya

Pawos 55

- (1) Manusia Yadnya inggih punika upacara dharmaning manusa ngawit saking patemuning kama bang kalawan kama petak sajeroning garbawasaning ibu jantos sadurung seda riwekas.

(2) Upacara Manusia Yadnya luiire

ha. Magedong-gedongan

na. Tatkala rare wawu embas

ca. Kepus odel uthawi malepas awon.

ra. Tutug akambuhan

ka. Rare mayusa tigang sasih.

da. Rare mayusa enem sasih uthawi aoton, ngalantur mapetik rambut.

ta. Tutug kelih.

sa. Mapandes.

wa. Mawiwaha.

la. Mawinten.

ma. Madwijati.

- (3) Upacara inucap ring ajeng kalaksanayang nganutin kecap sastra agama nista, madya, utama, saha manut dresta muang simacara ring Desa Adat Sampalan.

Palet 5

Indik Bhuta Yadnya

Pawos 56

- (1) Bhuta Yadnya inggih punika upacara biyakala ring pertiwi lan kahyangan, sarwa prani makadi ring sarwa bhuta.

- (2) Tatujon Bhuta Yadnya inggih punika ngulati karahajengan bhuwana agung lan bhuwana alit sakala kalawan niskala malarapan antuk kayun suci nirmala anulus, miara muang ngupakara tur ngalanggengang karahajengan sarwa maurip.

- (3) Upacara Bhuta Yadnya sane marupa pacaruan nganutin daging kecap sastra agama, manut wgunannia tur kapastikayang olih sang sulinggih.

Pawos 57

- (1) Satunggil Tilem Sasih Kasanga, riwus puput pamargin tawur ring kabupaten, ring Desa Adat Sampalan kamargiang pacaruan manut dresta, kalanturang antuk pangrupukan kamanggala antuk pamelastian manut pararem.
- (2) Ring rahina panyepian warga desa patut ngamargiang Catur Brata panyepian luire: amati geni, amati karya, amati lalungan, amati lalangan.
- (3) Prade rikala rahina panyepian pura sane patut katuran piodal, pamargin upacara inucap patut nganutin piteket saking PHDI kalih Guru Wisesa.
- (4) Prade wenten krama uthawi warga keni kabrebehan sungkan lan pikobet siosan rikala rahina panyepian patut polih laluputan manut panglokika saking prajuru.

**PANCAMAS SARGAH
SUKERTA TATA PAWONGAN**

Palet 1

Indik Pawiwahan

Pawos 58

- (1) Pawiwahan inggih punika patemoning purusa lawan pradana malarapan panunggalan kayun sukacita kadulurin antuk upacara manut sastra agama saha upasaksi sakala lan niskala.

- (2) Pidabdab pawiwahan ring Desa Adat Sampalan majalaran pamargi kapurusa
- (3) Pamargin pawiwahan wenten papalihan ipun sakadi
- ha. Papadikan
 - na. Ngrangkat uthawi ngarorod
 - ca. Nyeburin
- (4) Gaguat sang pacang mawiwaha luire
- ha. Sampun munggah deha wiadin teruna.
 - na. Pamargine sangkaning pada tresna asih.
 - ca. Yening wenten ngambil jadma sios agama patut kamanggala antuk upacara sudiwadani.
 - ra. Indik urah-arit upacara sudiwadani, pemargine katunasang ring Jro Bendesa uthawi ring PHDI.
 - ka. Pamargin pawiwahan patut nganutin sastra agama saha nganutin daging undang-undang perkawinan.

Pawos 59

- (1) Pawiwahan ring Desa Adat Sampalan kabawos puput yening
- ha. Pamargine sampun nganutin pidabdab pawiwahan ring Desa Adat Sampalan sakadi ring ajeng.
 - na. Sampun mawidhiwidhana sanistania mabyakawon.
 - ca. Kasaksinin olih Prajuru Adat miwah Prajuru Dinas.
 - ra. Sampun munggah ring ilikita Desa Adat Sampalan miwah Dinas, saha ilikita sios sane kapatutang manut daging Undang-Undang Perkawinan.

(2) Yening wenten warga Desa Adat Sampalan sane magenah ring dura desa adat ngawentenang pawiwahan patut mangda masadok saha ngarauhang sewala patra ring prajuru banjar lan prajuru desa

(3) Pawiwahan kabawos tan puput uthawi tan sah prade:

ha. Pamargine papaksaan uthawi nenten sangkaning pada rena

na. Tan paupasaksi

ca. Tan manut kecap sastra agama lan undang-undang perkawinan

Pawos 60

Tata cara parabian ring Desa Adat Sampalan sakadi ring sor:

ha. Sang pacang alaki rabi purusa lan pradana patut masadok ring prajuru ngenenin pamargin parabiane.

na. Pamargin papadikan madudonan sakadi ring sor:

1. Ngamargiang pasedek.

2. Pakrunan ping kalih luire: pawirasan lan pangambilan.

3. Yening sampun pada tulus babawosan tur sampun pada anut, kawentenang pamuput ngangge cihna suaran kulkul uthawi ngangge cihna siosan manut pamargi sane ketah.

4. Pamargin pawiwahan papadikan kangkat kalaksanayang nenten ngantosang wengi, sakewanten indik suaran kulkul patut kasuarayang sandyakala.

5. Sang wawu mawiwaha kangkat medal saking pakarangan sasampune tutug waneng tigang rahina.

ca. Prade ngrangkat uthawi ngarorod, sang sane ngrangkatang patut nganutin pamargi sakadi ring sor:

1. Ngamargiang pacelek tan kasepan ring awengi tur kaenter olih prajuru desa uthawi banjar.

2. Ngawentenang pamalaku uthawi panglukuan jantos puput maduluran canang pangrawos, sedah lanjaran lan pajati tegap.
- ra. Yening sampun pada tulus uthawi kaledangan, wargan sang wadon raris nunas ring prajuru banjar mangda nyuarayang kulkul banjar makacihna pamargin rangkate sampun puput.
- ka. Pinunas suaran kulkul pamuput wantah kangkat ngawit sandyakala, masarana pejati madaging sasari manut pararem.

Pawos 61

- (1) Yening wenten yayah rena kaicalan oka istri, sang madruwe kapatutan patut masadok ring prajuru muang ring Guru Wisesa saha nunas pitulung pacang masaserep.
- (2) Prajuru patut ngenterang pamargine maserep mangda nganutin tata kasutreptian desa.

Pawos 62

- (1) Sang lanang nenten patut ngamaduang, sajabaning wenten uwak-uwakan saking sang istri nganutin daging undang-undang perkawinan.
- (2) Yening wenten anak istri nenten alaki rabi mobot, patut wenten pasadok saking kulewargan sang mobot majeng ring prajuru, ngalantur prajuru mawosin parindikan inucap.
- (3) Prade parindikan punika tan prasidha kapuputang olih prajuru patut katurang ring Guru Wisesa sane wenang mawosin.
- (4) Prade wenten warga mamitra ngalang, wong punika kapidabdabin kadi ring soré

ha Yan sane mamitra during alaki rabi, kautsahayang mangda digelis prasidha majangkepan

na Yan sinalih tunggil uthawi sami sampun alaki rabi, patut keni pamidanda manut pararem tur wicara inucap patut katurang ring Guru Wisesa

- (5) Prade wenten sinalih tunggil krama uthawi warga malaksana drati krama, gamia gamana, salah timpal muang sapanunggalannia sane kabawos ngawinang desane cemer, wenang katiwakin pamidanda manut pararem saha mrayascitta desa manut kecap sastra agama. Sang malaksana patut katur ring Guru Wisesa.

Palet 2

Indik Nyapihan

Pawos 63

- (1) Sang wusan marabian uthawi palas tan sidha anut satinut alaki rabi kabawos nyapihan.
- (2) Yan wenten sinalih tunggil krama desa ayat pacang nyapihan kelihan banjar uthawi prajuru desa patut midabdabin mangda wicara punika tan sidha lumaksana. Yan tan prasidha olih klihan lan prajuru ngutsahayang mangda adung malih, patut kasadokang wicarane ring Guru Wisesa.
- (3) Kelihan lan prajuru adat saha dinas sadurung nyukserahang wicara inucap ring Guru Wisesa mangda makarya ilikita indik usaha sane sampun kapidabdabin.
- (4) Sang ayat pacang nyapihan taler mangda ninutin daging Awig-Awig Desa Adat Sampalan muang pawarah saking Guru Wisesa.

Pawos 64

- (1) Yening wenten krama kabawos malikin somah, santukan sampun ngamargiang pamargi nyapihan tur sampun kadamyakang ring banjar, krama punika keni pamidanda manut pararem ring banjar.
- (2) Nanging yan sang pecak nyapihan malih adung alaki rabi sasampune sane istri polih marabian malih sareng anak lanang siosan tur taler nyapihan, pamargi punika tan kabawos malikin somah. Sang asapunika patut ngamargiang pawidhiwidhanan malih sakadi ngawit.

Pawos 65

- (1) Balu luh sane katinggal seda olih suaminnyane uthawi balu lanang sane pecak nyeburin, patut ngamargiang swadharma kadi ring sor:
 - ha. Ngamanggehang kapatibratan, tan para dara, tan drati krama.
 - na. Ngamargiang ayah-ayahan krama manut awig-awig lan pararem.
 - ca. Ngraksa, nguasayang lan miara sentana, sahanan warisan lan pagunakaya.
 - ra. Kengin ngidih sentana yening sampun polih uwak-uwakan saking kulawarga purusa.
- (2) Balu sane kabawos tan pageh ring swadharmaning balu luire:
 - ha. Matingkah drati krama.
 - na. Matilar tan pasadok langkung ring enem sasih.
- (3) Balu sane tan pageh ring swadharmaning balu sakadi inucap ring ajeng, prade kacihnayang manut Tri Pramana (Agama Premana, Anumana Premana, Pratyaksa Premana) salah prawertinnyane wenang katundung olih warga kapurusa saha tan polih pah-pahan warisan.

- (4) Prade wenten balu sane nenten madrebe sentana, kemawon pageh ring swadharmaning balu, warga kapurusa tan wenang nundung tan pajalaran. Naler sang balu wenang polih pali-pahan pagunakaya.

Palet 3

Indik Sentana

Pawos 66

- (1) Sane kabawos sentana wenten kalih soroh luire:

- ha. Pretisentana inggih punika, sentana sane metu saking jalaran pawiwahan sane sah.
- na. Sentana paperasan inggih punika, sentana sane majalaran antuk kaidih olih sang wenang ngedih saha maduluran upacara paperasan muang upasaksi sepatutnia.

- (2) Dudonan pamargi sang pacang meras sentana kamanggchang sakadi ring sor:

- ha. Mapaadung sareng para warisnia jantos polih uwak-uwakan.
- na. Masadok ring prajuru sadurung upacara pamerasan punika kalaksanayang tur nunas upasaksi.
- ca. Ngamargiang upacara pamerasan kapuput olih sang sulinggih tur kasaksinin olih prajuru banjar, prajuru desa adat muang dinas.

Pawos 67

- (1) Paperasan sane kapatutang ring Desa Adat Sampalan luire:

- ha. Sampun puput ring upacara pamerasan.
- na. Upacara punika kasaksinin olih prajuru adat lan dinas.

- ca. Sampun munggah ring ilikita
- (2) Sane patut karajegang sentana luire:
- ha. Mawit saking waris kapurusa, prade tan wenten, kengin saking warga tunggal sanggah uthawi merajan, wadon muang siosan.
- na. Durung marabian saha durung makrama banjar.
- ca. Warga sane magama Hindu.
- ra. Meras sentana dados langkungan ring adiri, lanang wiadin wadon
- (3) Sajeroming pamargi meras sentana tan kadadosang ngencak patus.

Pawos 68

- (1) Prade wenten krama Desa Adat Sampalan ngawaliang sentana sane sampun sah kaperas, wenang krama inucap katiwakin pamidanda manut pararem banjar. Pamidanda inucap katiba cehep ring banjarnia.
- (2) Mungguing arta brana pamerasan kamanggehang sakadi ring sor:
- ha. Yan sangkaning sang meras ngawaliang sang kaperas sakancan arta brana pamerasannia manggeh katiba ring sang kaperas uthawi sang pakedih.
- na. Yan pawaline sangkaning pinunas sang pakedih uthawi sang kaperas, sahananing arta brana pamerasannia mawali weweg ring sang meras uthawi sang ngedih.

Palet 4

Indik Warisan

Pawos 69

- (1) Warisan inggih punika: sahanan tatamian arta brana saha ayah-ayahan ngupadi sukerta sakala niskala saking leluhurnyane arep ring sentanannyane.

(2) Wawu kengin kabawos warisan prade wenten.

- ha. Sang kapiturun (pawaris).
- na. Keturunan (waris uthawi ahli waris).
- ca. Arta brana miwah tategenan uthawi ayah-ayahan (warisan).

(3) Sane sinanggeh warisan luire:

- ha. Duwe tengah makadi palaba pura, pustaka suci.
- na. Pamrajan Kemulan.
- ca. Paguna kaya, utang muang piutang.

(4) Sane kabawos ahli waris inggih punika:

- ha. Kaping ajeng pretisentana purusa, sentana rajeg sane kaceburin lan sentana paperasan.
- na. Papernahan ngunggahang lan ka samping makadi rarama, sameton, misan, rarama di misan muah paperasan salanturnyane.

(5) Sane pacang ngawaris patut kantun ngamanggehang agama Hindu.

Pawos 70

Swadharmaning waris uthawi ahli waris:

- ha. Ngamargiang uthawi nyeledihi ayah-ayahan pawaris.
- na. Nyumakutayang pah-pahan artha brana warisan.
- ca. Ngupakara kahyangan mrajan uthawi pura amongan pawaris.
- ra. Ngalaksanayang sahanan pitra yadnyan pawaris lan leluhurnyane.
- ka. Nawurin sahanan utang-utang pawaris.

Pawos 71

- (1) Warisan kengin kaepah olih sang patut ngawaris risampun swadharmaning ahli waris jangkep kalaksanayang.
- (2) Pah-pahan warisan patut mangda sadu arep ring sakatah ahli.
- (3) Yening tetinggalan guna kaya, pah-pahannyane taler kengin nganutin pasubhayan pawaris sadaweg kanton mahurip.
- (4) Sentana rajeg polih pah-pahan patch ring pah-pahan sentana purusa.
- (5) Sentana deha tua patut polih pah-pahan sakadi sentana purusa.
- (6) Sane tan patut polih pah-pahan warisan, sakewanten kengin muponin pah-pahan warisan sakadi ring sor:
 - ha. Sang mulih deha, mulih truna riantukan polih nyeburin lan kulawarga pecak kaperas riyantukan polih ninggal kadaton.
 - na. Balu luh uthawi balu muani sane pecak nyeburin.
- (7) Sinalih tunggil sang ngawaris ring ajeng kengin tan polih pah-pahan prade:
 - ha. Alpaka ring guru rupaka.
 - na. Nilar Agama Hindu.
 - ca. Sentane rajeg kesah mawiwaha, nyentana nyeburin, uthawi kesah maperas, soang-soang kabawos ninggal kadaton.
- (8) Pawaris rikala kanton maurip kengin mapaweweh arep ring sentana, pinaka:
 - ha. Jiwa dhana, tadtadan uthawi bekel pinaka paweweh leleb ring ipianak sane kesah mawiwaha.
 - na. Pangupa jiwa, paweweh saking pawaris marupa pamupone kemaon.
 - ca. Pedum ngemong uthawi pedum raksa, pah-pahan waris padgatakala ngantos pastika pawaris arep ring ahli waris.

Pawos 72

- (1) Prade sajeroning pakulawarga wenten sang sane ngawaris langkung ring adiri kpatutang
- ha Ngawentenang paigum indik pedum waris inucap
- na Yening tan prasida igum wenang katunasang ring prajuru desa
- ca Prade wenten taler tan terima ring panepas prajuru kengin nunasang pamutus ring Guru Wisesa.
- (2) Yan wenten pacang nunas tatimbangan ring Prajuru Desa, prajuru patut nitenin lelintih kala nibakang panepas sane kpatutang sakadi ring sor:
- ha Sang sane ngawaris saking purusa
- na Papernahan ka samping.
- ra Yening tan wenten kadi inucap ring ajeng sahanan upakara padruwe pawaris kasukserahang ring desa.
- (3) Prade wenten kantos ngepah karang ayahan desa soang-soang ahli waris patut masadok ring prajuru desa tur sami katedunang ngamargiang ayahan krama ngarep.

SASTHAS SARGAH

WICARA LAN PAMIDANDA

Palet 1

Indik Wicara

Pawos 73

- (1) Sane wenang mawosin makadi mutusang wicara ring desa inggih punika Prajuru Desa sinanggeh Kerta desa:
- ha. Kelihan Banjar, pradene sang mawicara patunggilan banjar.

- na. Bendesa Adat, pradene sang mawicara sami-sami ring patunggalan desa adat nanging sios banjar.
- (2) Tata dudonan mawosin saha muputang wicara warga desa kadi ring sor:
- ha. Kaping ajeng kebawosin antuk kelihan banjar.
- na. Tan cumpu ring panepas kelihan banjar katunasang ring panglingsir banjar
- ca. Panglingsir banjar uthawi kerta banjar tan kacumpunin katedunang ring paruman banjar.
- ra. Paruman banjar tan kanutin, kengin nunasang ring bendesa adat.
- ka. Bendesa adat tan prasidha muputang katincapang ring panglingsir sinanggeh kerta desa.
- da. Prade taler pamatut panglingsir desa tan kacumpunin katunasang ring paruman desa, sinanggeh wasananing pamutus ring desa.

Pawos 74

- (1) Sahanan wicara mawiwit kacorahan sakaluire sinanggeh nungkasin daging awig-awig, pasuara miwah pararem desa uthawi banjar, prajuru desa patut digelis mawosin tan nyantos pasadok.
- (2) Sejaba wicara sakadi ring ajeng, patut nyantosang pasadok sang nunas bawos.
- (3) Panepas patut pastika nyantenang iwang patut malarapan Tri Premana (saksi, lekita, bukti) miwah tan maren nepek ring Catur Dresta.

Palet 2

Indik Pamidanda

Pawos 75

- (1) Desa uthawi banjar wenang niwakang pamidanda ring warga desa uthawi banjar sane sisip
- (2) Paniwak inucap kamargiang olih bendesa uthawi kelihan banjar
- (3) Bacakan pamidanda luire:
 - ha. Ayah-ayahan panukun kasisipan.
 - na. Danda arta (dosa, danda saha panikel-panikelnya miwah panikel-panikel urunan).
 - ca. Rarampagan.
 - ra. Kasepekang.
 - ka. Kawusanang makrama kawaliang pipilnyane.
 - da. Panyanggaskara.
- (4) Pamidanda sane katiwakang patut masor singgih manut ring kasisipane utamanya ngamanggehang kasudamalan desa.
- (5) Jinah uthawi raja brana pamidanda, ngaranjing dados druwe desa uthawi banjar.

Pawos 76

- (1) Krama sane langkung ring tigang paruman ngalantur tan naur urunan miwah dedandan wenang karampag.
- (2) Rarampagan ngangge tata cara sakadi ring sor:

- ha. Kalaksanayang olih prajuru kasarengin antuk krama desa manut pararem.
- na. Sang ngarampang saking darsana ngambil barang uthawi nyawenin tanem tuwuh, akehnya manut ring utang sang karampag.
- ca. Prajuru miteketang mangde barang-barang sane karampag digelis katebus, masengker awuku ring rahina pacang kaadol.
- ra. Tan ngenenin saluwir barang sane patut inggilang manut agama miwah mademang pangupa jiwa sang karampag.

Pawos 77

- (1) Prade sang pacang karampag ngawara (ngalangin) pamargi inucap mawastu sampun tan nganutin awig-awig desa, wenang kasepekang.
- (2) Semalih yan purun taler ngalangin paridabdab kadi ring ajeng makudang-kudang pasangkepan kaicen patinget tan wenten pamargi sajawaning kawaliang pipilnyane (kawusanang makrama).
- (3) Pamidanda inucap ring ajeng mawasta puput risampun sang kakenenin:
 - ha. Nunas geng pangampura ring krama desa uthawi banjar riantukan piwal ring pasubaya (pararem).
 - na. Nawur pangargan panguwak pasubaya duk pacang karampag kadulurin pamrayascita.

SAPTAMAS SARGAH

NGUWAH-NGUWUHIN AWIG-AWIG


Pawos 78

- (1) Nguwah-nguwuhin awig-awig desa puniki kamargiang antuk paruman desa.

- (2) Paruman inucap mangda kdasarun antuk pakarsan krama desa adat yadiastun kamedalang antuk prajuru sinunggal wiadin sinarengan.

Pawos 79

- (1) Sakeluiring sane wenten sadurungnya patut kaanutang ring daging awig-awig puniki kadulurin antuk pararem-pararem.
- (2) Sakeluwiring sane durung kabawos sajeroning awig-awig puniki patut kamargiang manut tata cara sane sampun ketah mamargi kadulurin antuk pararem-pararem.



4

ASTAMAS SARGAH

SAMAPTA


Pawos 80

- (1) Awig-awig puniki kawastanin Awig-Awig Desa Adat Sampalan.
- (2) Awig-awig puniki kamargiang ngawit kaingkupin uthawi kararemin.



Pawos 81

- (1) Awig-awig puniki kasungkemin ring paruman duk raliina Radite Kliwon Tolu, Pangelong ping 12, Sasih Kaulu, Caka Warsa 1923 Tanggal Masehi 10 Maret 2002.



(2) Awig-awig puniki kalinggatanganin olih Bendesa Adat Sampalan kasarengin olih para Kelihan Wawidangan, para Kelihan Banjar, saha kasaksinin olih para Kepala Dusun soang-soang pinaka Kelihan Tempek, para Kepala Desa sawawidangan Desa Adat Sampalan, Camat Dawan, pamekas Bupati Klungkung maka murdaning pamikukuh

(3) Luir sang ngalinggatanganin:


ha Kapertama Prajuru Desa:


 Bendesa Adat Sampalan

Wayan Mandra, SH.

 2) Kelihan Adat Wawidangan Kaler

Wayan Sudartha, SH.

 3) Kelihan Adat Wawidangan Tengah

Made Sayang

 4) Kelihan Adat Wawidangan Kelod

I Made Raka Adnyana



Kelihan Banjar Timbrah

I Komang Patra



Kelihan Banjar Kawan Pakseballi

I Nengah Sudia



Kelihan Banjar Buci

I Made Murtika



Kelihan Banjar Peninjoan

I Nengah Sudarma




Kelihan Banjar Kanginan Pakseballi

I Wayan M. Bagiastra

10) Kelihan Banjar Pesamuhan Puri Satria Kawan




Anak Agung Gede Parwata


11) Kelihan Banjar Pesamuhan Puri Satria Kaleran




Anak Agung Nyoman Rai


12) Kelihan Banjar Pesamuhan Puri Satria Kanginan




Anak Agung Gede Raka Nirmala

Kelihan Banjar Pakel




Anak Agung Gede Raka Nirmala

14) Kelihan Banjar Jabon





Anak Agung Gede Raka Nirmala

25) Kadus/Kelihan Tempek Kanginan Pakseballi




I Wayan Cenik

26) Kadus/Kelihan Tempek Jabon




I Nengah Redana


27) Kadus/Kelihan Tempek Pakel




I Wayan Mudiarta

28) Kadus/Kelihan Tempek Pahpahan





I Nengah Mudana

29) Kadus/Kelihan Tempek Lekok




I Wayan Sudirta




ca. Bupati Klungkung maka murdhaning pamikukuh,

Mengetahui dan telah dicatatkan:

Tanggal : 23 Mei 2002.

Reg.Nomor : 189/01/HO/2002.



PANITIA PANYURATAN AWIG-AWIG DESA ADAT SAMPALAN

Penasehat : 1. Bendesa Adat Sampalan
2. Para Panglingsir Desa Adat Sampalan

Ketua : I Dewa Gede Anom, S Pd

Sekretaris I : I Wayan Budiarsana

Sekretaris II : Drs. I Ketut Riasa

Bendahara : Drs. I Ketut Suwetja

I. Bidang Palemahan

Ketua : Anak Agung Rai Kalam

Sekretaris : I Wayan Sudiartha, SH

Anggota : 1. Mangku Nyoman Sukasna, B.Sc.
2. Drs. I Nyoman Suwendra
3. Drs. Anak Agung Ngurah Palguna, M.Si.
4. Drs. I Ketut Sujana
5. I Made Wira
6. I Gede Suantera
7. I Wayan Mudana

II. Bidang Parhyangan

Ketua : I Nengah Nugra

Sekretaris : I Wayan Koder Antara

Anggota : 1. Ngakan Mangku Dalem
2. Mangku Padang
3. I Made Sayang
4. I Ketut Oka, B.A.

5. I Wayan Gede Suraartha, B.Sc.

6. Anak Agung Gede Rai Soma

7. I Nengah Redana

III Bidang Pawongan

Ketua : Drs. I Komang Sumartha

Sekretaris : I Made Oka Aryadi

Anggota : 1. Drs. I Wayan Budiarta, M.Si.

2. Mangku I Made Raka Adnyana

3. I Wayan Sumartha

4. Drs. Anak Agung Gde Rai Sudana

5. I Wayan Kamar

6. I Wayan Kita

7. I Wayan Kartha